



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Odluke Vlade Bosansko-podrinjskog kantona Goražde o provođenju projekta poboljšanja poslovnog okruženja u Bosansko-podrinjskom kantonu Goražde broj:03-05-703/17 od 18.05.2017. godine, a u skladu sa Ugovorom o savjetovanju zaključenim između Vlade Bosansko-podrinjskog kantona Goražde i Međunarodne finansijske korporacije (International Finance Corporation) broj:03-14-561/17 od 27.04.2017. godine i Rješenja o imenovanju članova Radne grupe za provođenje Projekta poboljšanja poslovnog okruženja u Bosansko-podrinjskom kantonu Goražde broj: 03-05-703/17 od 18.05.2017. godine, direktor Službe za odnose s javnošću Bosansko-podrinjskog kantona Goražde donosi:

ODLUKU

o usvajanju prijedloga/preporuka za pojednostavljenje / eliminaciju / unapređenje administrativnih postupaka

Član 1.

Ovom Odlukom prihvata se Izvještaj Radne grupe za provođenje Projekta unapređenja poslovnog okruženja u Bosansko-podrinjskom kantonu Goražde (u daljnjem tekstu: Radne grupe), imenovane od strane Vlade Bosansko-podrinjskog kantona Goražde, Rješenjem o imenovanju članova Radne grupe za provođenje Projekta poboljšanja poslovnog okruženja u Bosansko-podrinjskom kantonu Goražde broj: 03-05-703/17 od 18.05.2017. godine

Član 2.

U skladu sa članom 1. Odluke, usvajaju se prijedlozi / preporuke Radne grupe za pojednostavljenje / eliminaciju / unapređenje administrativnih postupaka na nivou Službe za odnose s javnošću Bosansko-podrinjskog kantona Goražde (u daljnjem tekstu: Služba), sadržani u Izvještaju koji se nalazi u prilogu ove odluke i čini njen sastavni dio.

Član 3.

Prijedlozi / preporuke iz prethodnog člana, bit će primjenjeni od strane svih organizacionih jedinica Službe, u obavljanju upravnih i sa njima povezanih stručnih i drugih poslova iz okvira svojih nadležnosti, nakon stupanja na snagu Odluke i donošenja odgovarajućih akata Službe kojim će se detaljnije urediti pitanja vezana za njihovu primjenu.

Član 4.

Rok za donošenje akata iz člana 3. Odluke, čije donošenje je u nadležnosti Službe, iznosi 8 dana od dana stupanja na snagu Odluke.

Član 5.

Zadužuju se rukovodioci organizacionih jedinica Službe, da u skladu sa popisom administrativnih postupaka (Prvi inventar) i usvojenim prijedlozima / preporukama iz člana 2. Odluke, usklade formu i elemente obrazaca, odnosno uvedu odgovarajuće kantonalne obrasce kojima se stranka obraća kantonalnim organima uprave i kantonalnim upravnim organizacijama, prilikom pokretanja administrativnih postupaka, u roku od 15 dana od dana stupanja na snagu Odluke

Član 6.

Odluka stupa na snagu danom donošenja (i bit će objavljena na *web stranici Vlade*).

Broj:18-02-148/18
Goražde, 28.05.2018.godine


DIREKTOR
Anka Čurovac, dipl. komp. i teatrolog